

野史纂略



四下

册數	七
記号	一
部類	史
中學	常



十年春正月二十五日 將軍臨護持院。三月三日

馬守阿部正

邦於下野宇津宮。伊賀守松平忠德於俎

馬出石、大

膳大夫奥平昌成於丹後宮津十三日臨右京大夫

松平輝貞第閏月七日令諸藩改訂境內地圖上之。

三月五日臨因幡守本莊宗資第十一日臨柳澤保

明第夏四月十一日臨紀伊第。封其二子內藏頭頼

職主稅頭頼方為列侯食邑各三萬石十八日先是

將軍養鷹司關白房輔孫女八重姫為女是日許適

水戶世子晦行納幣禮列侯已上獻物十九日以京

一十七

師所司代佐渡守小笠原長重爲老中。徙封之武藏岩付增一萬石。紀伊守松平信益爲所司代。先是所司相代。獄囚無輕重皆斬。長重深以爲非。乃留重囚放輕囚而還。六月十日徙封出雲守久世重之於參河吉田。大和守井上正峯於丹波龜山。出雲守金森頼時於美濃郡上。十三日掃部頭牛伊直該爲大老秋七月二十六日增柳澤保明封二萬石。賜麾下士五百苞以上采邑。初吟味役萩原重秀建議曰。麾下士食廩祿者。漕輓之費皆出於幕府。不如賜采地於近國。令其自收租稅。則上下兩便。將軍許之。於是

諸藩封地在近國者皆收之。祖宗時遠國諸藩皆賜別邑於江戸旁。近以供芻牧。至是皆收之。其地雜租亦皆充秩祿之數。議已定。重秀呈數目於老中戶田忠昌。忠昌覽之曰。食廩祿者遭凶饑而不因此國家之仁。申今夫諸侯之國。縱有水旱之患。未必遍於閭境。故得畜養士馬麾下士一賜采邑。異日或遭凶歉不獲粒粟。所恃僅有雜租。而雜租亦以充祿數。則地愈縮小。何以養士馬外。託優恤。而內實朘削之。非所以待士也。且居顯職者給以膏壤。居賤職者給以醜地。尤非所以恤下也。宜再議之。於是麾下士既

失廩祿。又不得速受邑人人大困。是後幕府之地
在近國者。亦皆給麾下士。遠國漕船往往阻風不至。
幕府始買米府下。府下米價日貴。時人莫不惡重秀。
重秀揚揚自得。媚附權貴。無所不至。本莊宗資采地
在上野。既給麾下士。重秀更授善地於宗資。租入頗
過舊宗資不受。曰。吾無功而為列侯。奈何貪善地。八
月二日先是美作守森長成卒。無子。遺言請讓。叔
父衆利。將軍召之國。來利遂發狂。將軍聞之怒。
曰。彼欲讓國病夫乎。是日遂沒津山十八萬六千石。
以祖長繼尚存。特封之備中西江原賜二萬石。長繼

時年八十八。十四日中務大輔有馬賴元隸卒坐殺
尖處斬。二十五日臨護持院。二十七日臨護國寺。是
月行新金。九月十二日臨柳澤保明第十五日徙封
中務少輔。松平信通於出羽上山。冬十月二日始令
釀酒者出課。二十五日臨本莊宗資第十一月十一
日召三藩親講經。十二日臨甲斐中納言第十四日
臨柳澤保明第二十六日又臨保明第十二月十二
日又臨焉。是月江戸大火。初僧天海欲營中堂及文
珠樓於寃永寺。以擬比叡山。未果而沒。是歲寃永寺
住持公辨法親王請繼其志。將軍許之。命柳澤保

明統其事薩摩守嶋津綱貴輸材木。

卷四

七九

十一年春正月十四日封侍從松平矩榮於美作津山賜十萬石矩榮大和守直矩第三子前越後侍從綱國養為嗣二月老中大久保忠朝罷夏五月十四日左兵衛督梶定良卒於日光年八十七葬大猷公塋城之後成其志也先是水戶中納言感定良忠純書問不絕聞其愛馬欲遺之良馬適訃至中納言悼惜送馬佛寺作文祭之其略曰曾聞孝子廬親墓者未覩忠臣廬君墓者乃今於居士乎見之六月十三日將軍女適水戸世子秋七月二十一日出羽

守柳澤保明任左近衛權少將是後班老中上勢傾內外執政備員而已九月三日寬永寺中堂文珠樓二王門成殿門外商家以為大達命設法會將軍臨焉賜僧徒銀凡二萬五千兩主殿頭石川義孝帥衆守寺門士女闔咽俄而衆流言婦女有禁一如比叡山於是士女駭亂互相蹈藉有死傷者義孝不能禁將軍譴之屏居六日天皇親書琉璃殿三字賜之從將軍請也將軍命揭之中堂觀者雲集會南風揚沙數奇屋街失火煙塵蔽天東踰兩國橋至本莊南至八町溝北延燒湯嶋淺草至千住寬

永寺坊舍蕩盡唯中堂文珠樓僅完明歷已後所未有也時人謂之中堂之火是日町奉行伊豆守松前喜廣馳過江戶橋有一卒急持其燈欲擠之水喜廣猝其頭呼從者縛之明日謂卒曰汝蓋有怨於我然我之決事初無偏私豈復畏汝汝他日再狃擊我乃釋之江戶大賈紀伊國屋文左衛門請有司統管寬永寺土木受直凡五十萬金由此富冠一時騎僭無比一日詣評定所有所陳請松前喜廣叱曰商賈有所請當就吏白之安得自請汝非不之知縱恣乃爾命幽之其家遂棄十五日伊丹左京勝守發狂自殺

沒食邑一萬石冬十月七日江戶又火將及本城衆登殿屋屋皆銅瓦衆苦其滑將軍命取梯一千聯繫布之屋上衆踐之得無顛墜火亦滅十六日加賀守大久保忠朝致仕子忠增嗣聽忠朝乘輿入城是歲柳澤保明家臣細川知慎謂保明曰昔朝廷之衰海內大亂累聖山陵率皆蕪沒或失其地或爲農夫所發掘識者深悲之今海內無事主君何不可使搜其塋域新設周垣耕牧者不得侵其廢毀之遣使搜其塋域新設周垣耕牧者不得侵其廢毀不可識者訪之父老考之史傳必取其有證左者然白幕府脩山陵保明然之乃請之將軍將軍許

後因其故丘修築之。歲餘畢功。保明把握權柄。聘招一時名士。知慎及荻生茂卿最著。知慎字公謹。稱次郎大夫。其先參河人。知慎從林信篤學。博綜衆藝。最工書。為人慷慨有氣節。保明聘為鐵砲頭。一日近鄰失火。銃卒爭來知慎家。家惟有一函。重不可舉。衆以為財貨。毀其函盡銃丸也。茂卿稱總右衛門。其先參河人。父方菴以醫事嚴有公。及將軍受封館林。命方菴事之。方菴辭不往。將軍惡之。既襲閻職。遂逐方菴。茂卿從父往上總。後遇赦還江戶。閉門讀書。適有鬻書一庫者。直六十金。茂卿傾產買之。晝夜苦

學。竟以文辭聞。京師人伊藤維貞排擊宋儒立一家說。自號古學。茂卿慕之。用力經義。欲陵駕維貞儒者門戶。之爭始此。

十二年春正月十一日增丹後守米倉昌尹封五千石。二月四日徙封板倉熊之介重高於備中庭瀨夏六月五日尾張中納言薨。年四十八。號泰心院。世子吉通嗣。秋七月十二日若年寄米倉昌尹卒。子昌明嗣。二十八日信濃守稻垣重富為若年寄。八月十五日諸國大風屋舍多倒。時頻歲凶。歉人民大困。將軍多造舍於本莊養流民。是月因憐守本莊宗資卒。

子資俊嗣。九月十日老中戶田忠昌卒年六十八。子能登守忠真嗣。先是忠真爲奏者兼寺社奉行別賜第宅。食一萬石父子貴顯時人榮之。柳澤保明權寵無鄰境爭地。保明民不直。忠真欲決訟以保明權寵無比恐禍及父。密謂曰兒欲決訟不出於正則不忠。欲出於正則恐不利大人。如何。忠昌曰處公事者唯當持正。即父子取禍亦所甘心。若懼禍我剖決不正不孝孰甚焉。忠真大悅。一日將軍臨保明第聽訟。忠真判決曲直無所回避。保明失色。一坐駭慄。忠真尋辭職云忠昌前後增封至七萬一千石。及卒傳佐倉。

六萬七千八百五十石於忠真割三千一百五十石授次子忠章。二十六日美作守伊達村和蒙謹屏居。兄綱村請而幽之國。將軍還其邑於綱村。初村和遇小姓岡八郎兵衛於塗。岡誤觸其前驅。前驅欲撻之。岡挺刀禦之。衆奪其刀。村和飛轎而還。衆棄岡去。岡提槍追尾至其第。請決鬪。村和報之。目付。目付遣人擁岡而還。令村和推驗。從者村和乃斬三人。遂失邑。云冬十月六日大和守井上正峯為若年寄十二月朔紀伊參議任權中納言。是歲但馬守秋元喬知為老中。

十三年春正月十一日徙封下總守松平忠雅於備後福山伊豆守堀田正虎於出羽山形二月二十一日將軍謁聖廟二十二日臨出羽守柳澤保明第二十五日臨右京大夫松平輝貞第三月二日大老井伊直該罷七日增但馬守秋元喬知一萬石二十五日徙封攝津守松平義行於美濃高須秋九月三日奉祭田三千八百餘石於日光六日臨柳澤保明第十日迎嵯峨清涼寺佛像於二丸拜之二十日臨護持院二十五日臨水戸邸賜播磨守松平頼隆大學頭松平頼貞食邑各一萬石還舊邑於水戸冬

十月三日臨護國寺七日以河内通法守屬護持院大和室生寺屬護持院皆賜寺田奉祭田三十石於河内壺井八幡宮十六日尾張前大納言薨年七十六號瑞龍院十一月二日臨松平輝貞第二十一日親講易卒業前後凡八年始竣十二月朔封小姓豊前守黑田直邦為列侯賜一萬石直邦本姓中山氏小田原勇將家範玄孫也為外祖黑田直相所養近侍將軍將軍愛其謹慎命娶柳澤保明女居第亦相接將軍臨保明第往往過直邦直邦好讀書與萩生茂卿等善頗獲時譽六日水戸中納言薨年七

十三。謚曰義公。中納言名重天下。外蕃來長崎必問其安否。明遺民湯來賀嘗為之壽序。張斐嘗為之頌。二十七日召武田信玄裔孫織部賜五百石。是歲增長崎奉行為四員。二員赴任。二員留江戶。令紅毛船限四五艘通商。

十四年春正月十一日丹後守稻葉正通為老中。二月九日將軍臨出羽守柳澤保明第十一日聽右京大夫佐竹義處割二萬不封弟壹岐守義知一萬石封從子式部義都。十三日臨右京大夫松平輝貞第三月五日掃部頭井伊直該致仕。子直道襲封十

四日延詔使於城中俄而內匠頭淺野長矩與上野介吉良義央私鬪傷之。即日賜長矩死。沒赤穗五萬石。先是詔使至江戶。將軍命長矩及左京亮伊達宗春掌館待事。義央以高家預焉。長矩以不習舊儀固辭。執政曰上州老練君宜就問焉。何以辭為。義央以耆宿居諸高家之上。每詔使至必接待。由此意甚驕傲。共事者欲問舊儀。皆行賄賂長矩還家。召老臣安井彥右衛門藤井又左衛門曰吾將就吉良氏諮詢。宜贈遺之。安井藤井素鄙吝。對曰此高家之職也。不必遽贈遺。長矩乃就義央問舊儀。義央指

授甚疎。長矩啞之。是日長矩等會城中議事。問義央。

曰 詔使至吾等迎之階下邪。義央曰此等淺近事君尚不知而今迫期急議。無乃為衆笑耶。會大人使者梶川與三兵衛至。謂長矩曰禮畢告僕。長矩曰諾。義央從旁謂梶川曰君所議何事。僕當與聞焉。不然恐失便宜。長矩色動而起。義央言於列曰彼不知典故。何以接大賓。長矩不勝忿怒。挺刀擊之。十頭流血。義央眩惑。以手擁面而俯。長矩再擊。中背。梶川抱持長矩。衆扶義央避去。將軍聞之大怒。命錮長矩於右京大夫田村建顯邸。以白書院血汙更見。詔使

於黑書院。禮畢。將軍召老中相摸守土屋政直曰。天威咫尺。人臣最當戒懼。長矩乃率意鬪狠。喋血城中。速賜死。政直曰。誅長矩而宥義央。恐招異日之變。將軍不納。遂賜死。十五日。命淡路守脇坂安照肥後守木下利康收赤穂城邑。十八日。臨紀伊邸二十六日。上野介吉良義央罷。將軍以義央無罪。命待創愈。視事時。人以義央前倨而後怯也。嘲笑不已。彈正大弼上杉綱憲為義央謝病請免許之。先是長矩訃至赤穂。老臣大石良雄。大野九郎。兵衛會群臣於城中。來會者三百人。良雄曰。主辱臣死。此誠吾輩死節。

之秋也。然死固非難而處死實難。諸君欲以何死哉。

衆皆曰枕此城以死耳亦何議。良雄曰諸君言固然但人臣之義猶有可自効於國家者當盡力焉耳今社稷雖亡有介弟大學君可以奉先祀。吾等宜以死請。幕府為先君立後而幕府不聽則有一死耳。九郎兵衛執異議良雄以大義爭之。九郎兵衛曰危急良雄乃與原元辰等定計。元辰叱九郎兵衛曰危急之際何暇緩議。子不宜在此座。九郎兵衛懼而起。良雄乃遣多川九左衛門月岡治右衛門於江戸就受城使哀訴復會衆議守城會者僅五十五人良雄曰

衆離叛如此將何以守城不如待公使至以此意自陳然後相與自殺城上以明殉國衆然之乃刺血盟誓。夏四月四日赤穗使者至江戸。脇坂安照等既發乃與安井彦右衛門藤井又左衛門謀詣長矩外親采女正戸田氏定致良雄言。氏定曰此大不可若建幕府。自大學以下重得罪是群臣欲忠而反不忠於國也。乃作答書令二人還報。長矩弟大學長廣亦使二人諭良雄去城。二人還報。良雄密謂同盟曰事既至此吾等死於城非徒無益適足累大學君。吾當去城耳乃定復讐之謀。初良雄為長矩所疎於事鮮預。

人皆斥爲癡。至是舉國繹騷。文書堆案處之有方。秩

然不紊。衆人歎服。十八日安照等至赤穗良雄輸城

而去。二十二日臨出羽守柳澤保明第。五月六日臨

右京大夫松平輝貞第。二十五日聽水戶參議以境

內墾田七萬石加原封。六月十四日徙封丹後守稻

葉正通於下總佐倉。能登守戸田忠真於越後高田

秋九月二十五日臨護持院。冬十月九日臨出羽守

柳澤保明第。十一日臨護國寺。十一月三日臨右京

大夫松平輝貞第。二十六日臨柳澤保明第。賜名吉

保。授松平氏轉美濃守。子安暉亦賜名吉里。十二月

三日臨柳澤吉保第。十九日臨松平輝貞第。是冬關
東饑道殣相望。

十五年春二月五日將軍臨美濃守柳澤吉保第。

十一日四谷火。延燒品川麻布別館。二十一日聞關

東多窮民命老中丹後守稻葉正通議賑濟策。二十

二日臨右京大夫松平輝貞第三月九日大夫人叙

從一位二十一日謁聖廟。二十二日臨柳澤吉保第。

二十七日臨護國寺。夏四月二十六日臨加賀守前

田綱紀第。六月二十二日和泉守丹羽好音坐失衆
沒。美濃岩村二萬石更給一萬石。家臣四人處斬。秋

七月四日徙封山城守内藤政森於上野安中。伊豫
守板倉重形於陸奥泉十八日命安藝守淺野綱長
銅淺野長廣於安藝二十日以前出雲守本多正利
唐使近侍命監物水野忠之銅之先是左衛門尉酒
井忠直受命銅政利是日蒙謹屏居八月十四日以
品川別館罹災廢之罷奉行二十一日佐渡守松平
忠允坐喪心沒伊勢長嶋一萬石給五千石於長子
又四郎一千石於次子造酒亟先是忠允幽老臣朱
雀某等二人其後一老臣請曰今日祖宗遠忌願宥
朱雀等忠允怒曰汝敢為此言吾賜汝死老臣還家

自殺其二子悲憤皆自殺朱雀某等聞之曰彼為我
死吾不忍偷生亦皆自殺忠允遂坐失國閏月十五
日增町奉行一員為三員十六日命出雲守久世重
之守荒井關罷荒井奉行二十一日臨小石川別館
九月朔徙封兵部少輔增山利順於伊勢長嶋大和
守井上正峯於常陸下館伊賀守永井尚敬於播磨
赤穂七日徙封下野守青山忠重於丹波龜山能登
守石川乘紀於參河莉谷對馬守稻垣重富於上總
大多喜十二日臨安藝守本莊宗俊第是日徙封宗
俊於遠江濱松周防守牧野康重於信濃小諸二十

一日臨柳澤吉保第二十五日臨護持院二十八日

徒封井上正岑於常陸笠間稻垣重富於下野烏山
以下館大多喜封地狹隘也冬十月十三日馬醫橋
本權之助坐殺犬賜死十四日臨護國寺十六日令
曰數下教令禁殺生欲令人人存仁愛之心然猶有
如橋本者自今已後上下貴賤宜體吾意二十二日
臨松平輝貞第十一月二十六日令肥後守松平正
容兵部大輔松平昌親改家號用葵章二十八日省
奈良奉行駿河町奉行為一員大坂町奉行為兩員
十二月二日令曰種煙草於良田已有禁令而近來

犯法滋甚自今已後減種煙之地以裁嘉穀違令者
處重科五日臨柳澤吉保第十一日臨松平輝貞第
十五日淺野長矩遺臣大石良雄等四十七人殺前
上野介吉良義央復讐先是將軍鉢長廣於安藝
良雄等決意復讐率同盟至江戶義央方避仇上杉
氏第良雄等憂之議曰除夜彼必還家吾當襲之已
而義央欲設茗宴於家以十四日還良雄謀知之乘
曉襲擊遂獲義央而衆無識者乃驗其尸肩有刀痕
衆喜曰此非先君之所手擊耶良雄命馘之赴泉岳
寺祭長矩墓遣寺坂信行於安藝報捷長廣令吉田

野史纂略

兼亮富森正因詣大目付仙石久尚首實久尚登城

白 將軍老中阿部正武謂衆曰今世有節義之士

如此豈非盛事邪是日分拘良雄等四十六人於越

中守細川綱利隱岐守松平定直甲斐守毛利綱元

監物水野忠之四家於是良雄及吉田兼亮原元辰

片岡高房間瀨正明小野寺秀和間光延近松行重

早水滿堯赤埴重賢矢田助武大石信清磯貝正久

堀部金丸富森正因潮田高教奧田重盛之細川氏

大石良金堀部武庸中村正辰菅谷政利不破正種

千馬光忠木村貞行岡野包秀貝賀友信大高忠雄

之松平氏。岡嶋常樹吉田兼貞武林隆重倉橋武幸

村松秀直杉野治房勝田武堯前原宗房間光風小

野寺秀富之毛利氏。間光興奥田行高間瀨正辰矢

頭教兼茅野常成神崎則休村松高直横川宗利三

村包常之水野氏。二十二日徙封甲斐守板倉重寛

於陸奥福嶋

十六年春正月九日徙封豊前守黒田直邦於常陸

下館隱岐守水野勝長於下總結城十一日徙封伯

耆守本多正永於上野沼田二月三日讓吉良義央

子義固不死父難沒食邑。命安藝守諏訪忠虎錮之。

毀其第為棄地。賜大石良雄等四十六人死流其子弟於伊豆大嶋。先是將軍議良雄等罪。大學頭林信篤議曰良雄等報仇天下之大義也。且其舉動詳慎莫非所以敬上。若罪其擅用兵器而誅之。將何以獎勵人臣。執政然之。議曰寬文中與平源八率衆報讐。宥而不誅。宜準據此例。然衆議未決。萩生茂卿聞之謂柳澤吉保曰聞林氏請宥良雄等其論固善然未達時宜。今宥良雄等上杉綱憲欲蹙之淺野吉長欲救之。兩家構難。事將不測。是宥四十餘人而招天下之禍也。不如殺之。吉保然之議乃決。將軍猶欲

宥之一日謂公辨法親王曰赤穗諸士忠烈無比殺乏可惜。不殺則廢法。將奈之何。法親王不對而退。謂左右曰將軍之意蓋欲使吾救諸士也。然吾以為此輩不死不足以成萬世之名。所以不救也。是日遂賜死。衆咸遺言葬長矩墓側。四家皆如其言。贈送甚厚。府下聞之。徃弔祭者如市。十日徙封彈正忠松平正。久於上總大多喜。十三日臨美濃守柳澤吉保第。二十五日遣若年寄稻垣重富大目付安藤重玄勘定奉行萩原重秀。目付石尾織部巡察京師大坂長崎。二十二日臨右京大夫松平輝貞第。二十五日臨前

十六日謁聖廟。六月二十五日擢大學頭林信篤門入得力。十之亟。秋山半藏津田右内為儒臣。秋八月二十一日彈正大弼上杉綱憲致仕。子吉憲襲封。二十五日陸奥守伊達綱村致仕。子吉村襲封。九月十一日臨護國寺。增寺田五百石。二十五日臨護持院。二十六日臨柳澤吉保第。冬十月十四日臨松平輝貞第。十一月十八日四谷火延燒至芝海濱。二十三日地大震。廬舍頽毀。壓死無算。大城石壁多壞。築地。地裂水涌。安房上總下總伊豆相模海溢。民家漂沒。

死者甚衆。是後地日震。一日或數十次。半歲而止。二十七日令諸國大社大寺禳災。二十八日命大膳大夫毛利吉廣大學頭藤堂高睦飛彈守立花宗政等修大城。二十九日小石川火延燒至本莊深川。兩國橋焚溺死數百。所在焚死三千餘人。

寶永元年春二月十三日令諸國省冗費禁奢靡。三月二十二日命兵部大輔松平昌親大和守伊東祐實伊勢守黑田長清攝津守鍋嶋直之等修大城石壁。昌親訪柳澤吉保。將所有詔稟。時吉保勢傾内外。輿馬填門。常使家臣待客。昌親值吉保不在。欲見其

家宰平岡宇右衛門。平岡辭以公事方劇。明日昌親又往欲見平岡。平岡又辭。昌親大怒曰吾所以來者公事也。非私也。而平岡再辭。侮慢甚矣。吾待濃州還獲彼而甘心焉。乃遣人報其第。老臣帥步騎千餘來圍吉保第。同族諸侯皆發衆助之。邸中震怖。吉保子吉里見昌親謝之不聽。吉保聞之大驚。與雅樂頭酒井忠舉右京大夫松平輝貞相摸守土屋。政直夜潛還家。入自後門。命平岡急裝還國。乃與忠舉等見昌親謝曰君欲誅平岡固當。然僕將誅之國既已發遣。敢謝。一坐皆赦解之。昌親意解而還。先是吉保最寵

平岡使之謁。將軍平岡恃勢驕縱。侮弄諸侯。諸侯不敢違忤。贈遺相屬。至是聞者稱快。夏四月十二日紀伊夫人鶴姫薨。五月二十八日徙封式部大輔神原政邦於播磨姫路。本多吉十郎忠孝於越後村上。二十九日命勒負佐酒井忠圓能登守內藤義孝周防守。松平康豊等修石壁。秋九月十七日老中豐後守阿部正武卒。子正喬嗣。正武在職二十四年。以才幹稱。十九日薩摩守嶋津綱貴卒。子吉貴嗣。天和中江戶屢火。命薩摩防火。綱貴方為世孫。祖光久在國。綱貴乃以嶋津中務為將。分三千人為十二隊。裝飾

華麗。晝夜鳴鼓巡警。其豪氣如此。嘗夙登城。近午
將軍未出見。綱貴見執政曰。將軍未受謁。得非憚
煩乎。請辭。執政曰。近日。將軍見諸侯。比昔少晚而
君早登城。宜其以為淹也。雖然。君但須焉。將軍今
出受謁。綱貴曰。僕等法留府下期年。今日不得見。猶
有他日。不可以僕等故煩。將軍遂起將出。執政固
留之。乃復坐。執政以告。將軍遂出見諸侯。聞者歎
曰。以將軍之威嚴。而諸侯猶有崛彊如此者矣。二
十七日。若年寄伯耆守本多正永為老中。冬十月朔
寺社奉行伊賀守永井尚敬為若年寄。二十七日兵

部大輔松平昌親賜名吉品。子昌方吉邦。十一月二
十五日臨護持院。先是昌平坂聖廟罹災。命再營之。
至是成。十二月五日養甲斐中納言為世子入居西
城更名家宣。先是若年寄加藤明英獻西城圖。明日
立為世子。世子曰明英諂媚失大臣體。遂疏之。二十
一日徙封美濃守柳澤吉保於甲斐。食十五萬石。二
十五日徙封但馬守秋元喬朝於武藏河越。

二年春二月五日。將軍臨美濃守柳澤吉保第。十
七日廢甲斐谷村城。三月五日。將軍叙正二位。任
右大臣。世子敘從二位。任權大納言。九日饗。天

使於城中。十二日以柳澤吉保為甲斐國主。二十五日謁聖廟。二十七日臨右京大夫松平輝貞第。夏四月三日世子臨小石川別館。二十三日徙封紀伊守內藤一信於駿河田中。太田熊次郎資重於陸奥棚倉。二十七日世子臨小石川別館晦。世子建根津祠於下谷第址。初甲斐參議有過其庄根津某苦諫不納。憂憤而死。參議憫其忠。為之立祠歲時祀之。至是世子請新之。將軍許之。命有司營廟宇弘敞壯麗擬山王祠。閏月二日增上寺火。二十五日世子臨濱別館。將軍謂好遊諸侯第宅。而世子不

過臨別館。將軍謂之曰何不擇勝地造新館。世子請造之海濱。將軍命諸侯助役。及成亭閣華潔臨眺甚美。每夏月擇府下童男女端麗者三百人。召之園中。著鮮衣挿袂。其費不貲。五月十四日紀伊中納言薨。年四十一。號高林院。弟左近衛權少將頼職嗣。六月十七日尾張美濃大水。二十二日大夫人木莊氏薨。秋八月二日令曰。諸藩鹵薄宜遵舊制。禁萬石以下用簍箱三千石以下用兩夾箱。二十七日佐渡守小笠原長重為西城老中。增一萬石。九月八日紀伊少將卒。年二十六。號深覺院。弟主稅頭頼方嗣。

賜名吉宗。二十一日勅贈甲斐參議權中納言是日加賀守大久保忠增若年寄河內守井上正岑為老中寺社奉行讚岐守久世重之為若年寄二十四日臨護持院二十六日臨柳澤吉保第二十七日申禁畜鳥獸冬十月四日賜中興小姓本莊宗長食邑二萬石以大夫人遺命也五日改葬甲斐贈中納言於增上寺晦徙封備前守牧野成春於參河吉田大和守久世重之於下總關宿十二月二日臨右京大夫松平輝貞第晦臨護國寺十二月三日先是遠江懸川城主井伊直朝坐喪心沒食邑三萬五千石是日

命以同族直矩為嗣賜越後與板二萬石四日臨柳澤吉保第六日臨松平輝貞第十八日又臨吉保第三年春正月九日封下總守越智清武越前守間部詮房為列侯清武世子弟冒越智氏食一千石是日賜一萬石詮房世子寵臣為側衆食三千石是日賜一萬石班若年寄下二十八日徒封伊賀守松平忠榮於信濃植田越前守仙石政明於但馬出石伊豆守永井尚敬於信濃飯山遠江守松平忠喬於遠江懸川和泉守森長直於播磨赤穗二月六日臨美濃守柳澤吉保第九日臨右京太夫松平輝貞第

十一日 世子臨吉保第。三月二十五日 世子臨

一四〇

濱別館。五月七日土佐侍從山内豊房卒。弟豊長嗣

豊房仁厚留意民政。又嘗慨神祠衰替著土佐式社

考云八日聽三藩鹵簿用一雜刀四鐵槍一傘一笠

謂之七器。秋八月二十五日賜祭田五百石於根津

祠。九月三日臨柳澤吉保第。十一日 世子臨濱別

館是月紀伊大水。冬十月五日 世子臨柳澤吉保

第。十五日伊豆守永井尚敬為西城若年寄。十一月

二十三日禁與力步士以下服熨斗目。及七夕八朔

服白惟子二十六日紀伊中將任參議。十二月三日

根津祠成。七日 世子拜根津祠。

過柳澤吉保第。過柳澤吉保第。

一日臨吉保第。是歲廢參河岡崎橋。初 東照宮授

一萬石於岡崎城主以為脩橋之資。至是柳澤吉保

請而毀橋。削城主水野忠之一萬石。

四年春正月十一日 徒封下總守越智清武於上野

館林。賜松平氏食三萬四千石十五日濱町火延及

本莊。二月六日臨美濃守柳澤吉保第。九日 世子

臨吉保第二十五日

世子始謁聖廟。三月九日臨

右京大夫松平輝貞第。十日始置駿河破損奉行。二

十七日 世子臨濱別館。夏四月十八日 世子臨

濱別館。二十一日 世子臨小石川別館。秋七月十

一日 世孫家千代生是日聽雅樂頭酒井忠舉以
墾田二萬石充封邑之數為十五萬石。八月二日老
中稻葉正通罷。二十日正通致仕。子長門守正知
襲封。二十九日以讚岐旁近三嶋屬高松。九月二十
六日臨護持院。二十八日 世孫夭。冬七月四日伊
勢近江美濃尾張駿河遠江麥河地大震。遠江海溢
沒荒井關。六日遣若年寄稻垣重富巡視。久能山十
二日遣目付二人巡視諸國。十三日令曰。諸藩藏古
金銀以資武備者。宜出以易新金若有用楮鈔者。自

今已後禁之。二十八日以參河田原城壞。命城主三
宅康雄還國。是日周防長門地大震。十一月二十三
日雷雨沙晝暗如夜。二十四日雷。二十五日雷夜雨
沙。二十六日雷雨沙。駿河言。富士山焚。鳴動如雷。人
始知非雷。是日遣使檢察參河駿河。駿河砂石沒地
幾五尺。是後連夜雨沙。將軍召僧徒問曰。天雨沙。
吉凶如何。傳通院僧祐天曰。沙在地者也。今從天而
降。不可謂順。禽獸待人而生者也。將軍以禽獸殺
人。此亦不可謂順。 將軍不懌。明日召祐天曰。汝言
甚直。賜物賞之。十三月朔命左衛門尉酒井忠直伊

豆守真田信房等出役夫開驛路。九日雪。富士山火始滅。其旁一峯涌出。時人呼曰寶永山。是日命伊豆守松平信高越中守松平定重脩駿河城。十八日紀伊參議任權中納言。是歲柳澤吉保建議罷駿河城番。以諸侯三人為加番。書院番在城中者五十人悉還江戸。括城中犬二千餘頭致之江戸。

五年春閏正月三日令曰去歲兩沙之變。遠近被害。而武藏相模駿河尤甚。田園廢為不毛者。宜給地於佗處。七日令諸國每百石出金二兩。大興役以除灰沙。九日命伊豫守松平綱政右近將監小笠原忠雄

等鑿開相模川流壅塞者。二十八日行當十大錢。文曰寶永通寶。二月三日臨美濃守柳澤吉保第。十三日臨右京大夫松平輝貞第。十八日世子臨吉保第。二十一日臨伊賀守松平忠榮第。三月八日京師火。宮罹災。延燒一萬三百餘家。焦土皆生白毛長四五寸。十六日遣使獻黃金五千枚及御衣御屏。夏六月九日命出羽守松平清武城館林。賜金五十兩。初。將軍封館林。及入襲閻職城廢。至是再城焉。是日聽小笠原信辰城越前勝山。二十一日賜鎧一百領弓五十張。鞍五十具。馬銃一百門。槍一百枝。於

松平清武。秋九月十八日

世子臨濱別館。

二十六

日臨護持院。冬十月五日臨柳澤吉保第十一日

世子臨吉保第二十五日臨護國寺。十一月十八日

將軍養女松姫適若狹守前田吉治。時鳥獸之禁益嚴。士大夫皆騎髦馬。已而人不敢騎。皆使從者牽之。六年春正月朔。將軍不豫。世子受諸侯賀。是後每夜有群狐呼躍殿側。將軍屢命近臣蒙臯比驅逐。十日。將軍薨年六十四。是日美濃守柳澤吉保請曰。臣受。故將軍殊顧。宜以身殉。而國有大禁。請披荆以報之。嗣君曰。卿言是也。然。祖宗已來未

聞執政而披荆者。卿安得廢。祖宗之法。當待葬事畢。致仕披荆耳。於是吉保不得不乞骸骨。聞者服矣。善馭權臣十七日。嗣君下令停大錢。二十日除殺生之禁。府下莫不感悅。將軍嘗謂。嗣君及吉保等曰。吾百歲之後。慎勿廢殺生之禁。至是。嗣君以為自殺生之禁行。獲罪者不知其幾。近日死於獄中者九人。此禁不除。天下無蘇息之日矣。乃召吉保諭之。吉保曰。公慮及此。乃所以深愛。故將軍也。嗣君拜柩。告曰。殺生之禁在家。宣一身。則永奉遺令。至於令天下。則不能無扞格。請為萬民除之。乃召衆

下令云。二十八日葬。將軍於寬永寺。二月九日大
夫人藤原氏薨。十六日。詔使至江戶贈故將軍
正一位太政大臣。號常憲院。是日監物織田秀親采
女。正前田利昌至寬永寺接伴。詔使俄而利昌以
私怨殺秀親。嗣君命主殿頭石川義孝拘利昌。十
八日賜利昌死。還食邑一萬石於其兄利直。令秀親
弟成純襲封。三月蠲釀酒者出課。夏四月六日封越
前守松平信清為列侯。賜一萬石。五月朔。嗣君叙
正二位任內大臣。拜征夷大將軍。六月二日美濃守
柳澤吉保致仕。雍髮號保山。秋七月三日公子鍋松

生所生勝田氏。二十九日諸侯已下借幕府金銀
者萬石已上輸三之一。其餘悉賜之。九月十三日越
後村上城主木多忠孝沒。以幼無嗣。當國除。將軍
憫名族絕祀。削半萬石賜五萬石於同族忠良為嗣。

實無半外

陽城縣馳名惟其舞乐雄正其五氏同樂故身器體
各據土城上者生木助火既曉熟禮習曲制酒食
亦無不以土舞之其餘新羅之王氏十三日強
至城上舞則為二十天召其馳近丁許月集酒金燒

石

七冊 / A